

Sarkina Bt Mat Saad @ Shaari

From: Unit Komunikasi Korporat
Sent: Sunday, May 20, 2018 10:55 AM
To: UUM - All Staff; UUM - All Students
Subject: Empat Pelajar SAPSP Wakili UUM Ke Program Youth As Agents Of Behavioural Change



Unit Komunikasi Korporat
CORPORATE COMMUNICATION UNIT
Universiti Utara Malaysia

20 MEI 2018 / 4 RAMADAN 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Pelajar Ijazah Sarjana Muda Pengurusan Kerja Sosial

EMPAT PELAJAR SAPSP WAKILI UUM KE PROGRAM YOUTH AS AGENTS OF BEHAVIOURAL CHANGE



UUM ONLINE: Pulau Pinang - Empat pelajar Universiti Utara Malaysia (UUM) antara 21 peserta seluruh negara terpilih mewakili Kedah menyertai program *Youth As Agents Of Behavioural Change* (YABC) di Hotel Bayview, baru-baru ini.

Pelajar tersebut, Ummu Al-Mu'minien Azailani, Fasiah Khalil, Anis Najihah Mohamad dan Nur Najihah Saharuddin dari Pusat Pengajian Psikologi Gunaan, Dasar dan Kerja Sosial (SAPSP) telah mengikuti program anjuran Ibu Pejabat Kebangsaan (IPK) Bulan Sabit Merah Malaysia (BSMM) dengan kerjasama Persatuan Palang Merah dan BSMM Antarabangsa (IFRC) selama seminggu.

Ummu Al-Mu'minien Azailani berkata, bengkel anjuran kali ketiga itu adalah untuk mengubah diri sendiri untuk menjadi lebih positif, seterusnya memberi inspirasi kepada orang lain untuk bersama-sama berubah ke arah lebih baik.

Selain itu, katanya, mereka turut mempelajari tentang inisiatif YABC dan cara mengaplikasikannya untuk mempromosikan budaya yang tidak melibatkan keganasan dan keamanan serta mempunyai pengetahuan asas untuk menjadi pemimpin yang beretika dan pendidik rakan sebaya yang berkesan.

"Sepanjang program ini, kami telah menyediakan *tool kit* agar dapat mempraktikkan untuk menjadi seorang pendidik rakan sebaya yang berkesan.

"*Tool kit* ini dicipta pada tahun 2008 dan dilihat sebagai satu pertumbuhan yang positif apabila semua aktiviti yang dijalankan adalah berdasarkan *tool kit* tersebut yang mana fasilitator mengajar peserta cara untuk mengendalikan sesuatu aktiviti termasuklah senaman ringan di awal pagi yang diberi nama Qi-Gong," katanya.

Tambahnya, program itu juga merapatkan hubungan fasilitator dengan peserta yang lain, malah mereka juga berkesempatan bersiar-siar di sekitar Georgetown dengan mengunjungi Penang 3D Art Museum, Penang Chew Jetty dan Penang Avatar Secret Garden.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.